

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 91/15, 102/15, 104/16, 5/18, 11/19, 99/19 i 25a/22) i čl. 17. stav (1) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu Zavod za izgradnju Kantona Sarajevo, ministar finansija donosi slijedeću

ODLUKU
O PRERASPODJELI SREDSTAVA U BUDŽETU
KANTONA SARAJEVO ZA 2024. GODINU ZA
BUDŽETSKOG KORISNIKA ZAVOD ZA IZGRADNJU
KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2024. godinu, sredstva u iznosu 185.000 KM u razdjelu 26010001 Zavod za izgradnju Kantona Sarajevo i to:

Raz	Glava	Potrjed	Ekon.kod	Sub-analitika	Funkcija	OPIS	Iznos u KM
26	01	0001	26010001			Zavod za izgradnju Kantona Sarajevo	
						Sa ekonomskog koda (Izvor 10)	
26	01	0001	26010001	6112	RAA002	Naknade za topli obrok	42.000
26	01	0001	26010001	8215	044	Nabavka stalnih sredstava u obliku prava	43.000
						Na ekonomski kod (Izvor 10)	
26	01	0001	26010001	6112	RAA005	Naknade u slučaju smrti i teže invalidnosti	42.000
26	01	0001	26010001	6139	RAK001	Ugovorene i druge posebne usluge	12.000
26	01	0001	26010001	6139	RAK001	Posebna naknada na dohodak za zaštitu od prirodnih i drugih nepogoda	1.000
26	01	0001	26010001	8213	044	Nabavka opreme	30.000
						Sa ekonomskog koda (Izvor 30)	
26	01	0001	26010001	6148	RA3001	Drugi tekuci rashodi - sudske presude za naknade - Naknada za uređenje gradskog građevinskog zemljišta	100.000
						Na ekonomski kod (Izvor 30)	
26	01	0001	26010001	6151	RA002	Kapitalni transferi općinama - Uređenje gradskog građevinskog zemljišta - Naknada za uređenje gradskog građevinskog zemljišta	100.000

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-45526/24

30. septembra 2024. godine
Sarajevo

Ministar
Dr. Afan Kalamujić, s. r.

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 91/15, 102/15, 104/16, 5/18, 11/19, 99/19 i 25a/22) i čl. 17. stav (1) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu Univerziteta u Sarajevu - Muzička akademija, ministar finansija donosi slijedeću

ODLUKU
O IZMJENI ODLUKE BROJ: 08-01-11-46117/24 OD
21.10.2024. O PRERASPODJELI SREDSTAVA U
BUDŽETU KANTONA SARAJEVO ZA 2024. GODINU
ZA BUDŽETSKOG KORISNIKA UNIVERZITET U
SARAJEVU-MUZIČKA AKADEMIJA

1. U Odluci broj 08-01-11-46117 od 21.10.2024. ("Službene novine Kantona Sarajevo", broj 48/24) u tački 1. umjesto: 35.465 KM treba da stoji 34.795 KM, a u tabelarnom pregledu umjesto:

							Sa ekonomskog koda (Izvor 10)	
35	02	0019	35020019	6112	OBA083	094	Naknade za regres za godišnji odmor	9.465
							Na ekonomski kod (Izvor 10)	
35	02	0019	35020019	6112	OBA085	094	Naknade u slučaju smrti i teže invalidnosti	9.465
							treba da stoji:	
							Sa ekonomskog koda (Izvor 10)	
35	02	0019	35020019	6112	OBA083	094	Naknade za regres za godišnji odmor	8.795
							Na ekonomski kod (Izvor 10)	
35	02	0019	35020019	6112	OBA085	094	Naknade u slučaju smrti i teže invalidnosti	8.795

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-46117-1/24

06. decembra 2024. godine
Sarajevo

Ministar
Dr. Afan Kalamujić, s. r.

Ministarstvo za odgoj i obrazovanje
Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 95. stav (8) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24) i uz saglasnost Vlade Kantona Sarajevo, broj 02-04-270-4/25 od 09.01.2025. godine, ministrica za odgoj i obrazovanje Kantona Sarajevo donosi

INSTRUKCIJU
O POSTUPANJU U SLUČAJU IZRICANJA ODGOJNO-
DISCIPLINSKE MJERE "ISKLUČENJE IZ SREDNJE
ŠKOLE"

Član 1.

(Predmet Instrukcije)

Ovom instrukcijom uređuje se postupanje u slučaju izricanja odgojno-disciplinske mjere "isključenje iz srednje škole", kada učenik može nastaviti obrazovanje u drugoj srednjoj školi u kojoj se uz pomoć Javne ustanove Institut za razvoj preduniverzitetskog obrazovanja Kantona Sarajevo (u daljem tekstu: Institut) izrađuje Individualni plan podrške i Individualni plan brige.

Član 2.

(Osiguranje podrške)

U srednjim školama u radu sa učenicima prednost se daje osiguranju stručne podrške, brige i zaštite učenika.

Član 3.

(Nastavak obrazovanja)

- U slučaju kada se učeniku izrekne odgojno-disciplinska mjera "isključenje iz srednje škole" učenik može nastaviti obrazovanje u drugoj srednjoj školi.
- Škola koja je učeniku izrekla odgojno-disciplinsku mjeru "isključenje iz srednje škole" odmah obavještava Institut i Javnu ustanovu "Kantonalni centar za socijalni rad" Sarajevo (u daljem tekstu: Centar).

Član 4.

(Način provođenja podrške)

- Institut ima obavezu sačinuti stručno mišljenje u saradnji s stručnom službom škole koja je izrekla odgojno-disciplinsku mjeru "isključenje iz srednje škole", sa obrazloženjem u kojem će se na osnovu provedene stručne analize, izvršenog nadzora, najboljeg interesa učenika i vrste rizičnih faktora kojim je učenik izložen u porodici i široj društvenoj zajednici donijeti preporuku

koju srednju školu učenik u riziku nastavlja pohađati (upis nove srednje škole).

- (2) Stručne službe škole u saradnji sa stručnim saradnicima Instituta i Centra, u cilju donošenja odluke o nastavku školovanja učenika u što skorijem roku, a ne dužem od 15 dana, u obavezi su pribaviti sve podatke o okolnostima, obliku, vrsti i težini neprihvatljivog oblika ponašanja učenika na osnovu kojeg je učenik isključen iz srednje škole, te u što skorijem roku pozvati roditelje/staratelje/usvojitelje učenika i prikupiti sve podatke o porodičnim i drugim bitnim okolnostima u najboljem interesu učenika.
- (3) Nakon provođenja stručne analize i donošenja mišljenja, Institut donosi preporuku koju srednju školu će upisati učenik kojem je izrečena odgojno-disciplinska mjera "isključenje iz srednje škole".
- (4) Stručni saradnici Instituta, Centra i Centra za mentalno zdravlje u sastavu JU Dom zdravlja Kantona Sarajevo i po potrebi policijski službenici Uprave policije Ministarstva unutrašnjih poslova Kantona Sarajevo (rad policije u zajednici - RPZ) uključuju se u provođenje Individualnog plana podrške ili Individualnog plana brige, a u cilju smanjenja rizika od ponovnog činjjenja neprihvatljivog ponašanja, koje može uzrokovati najbolji interes učenika ali i šire društvene zajednice.
- (5) Ministarstvo za odgoj i obrazovanje Kantona Sarajevo u svakom slučaju izricanja odgojno-disciplinske mjere "isključenje iz srednje škole" pokreće nadzor nad radom srednje škole koja je izrekla odgojno-disciplinsku mjeru "isključenje iz srednje škole", a zapisnik o izvršenom nadzoru nad radom srednje škole mora biti završen u roku od 10 dana od dana izricanja odgojno-disciplinske mjere "isključenje iz srednje škole".

Član 5.

(Obaveza srednje škole)

- (1) Srednja škola koju Institut preporuča za upis učenika nakon izricanja odgojno-disciplinske mjere "isključenje iz srednje škole", a kako bi učenik nastavio obavezno obrazovanje je dužna osigurati nastavak školovanja učeniku, na način da ministar za odgoj i obrazovanje Kantona Sarajevo (u daljem tekstu: ministar) donose rješenje o nastavku obrazovanja učenika, a na osnovu preporuke Instituta.
- (2) Srednja škola koja se preporuča učeniku na osnovu stručne preporuke iz člana 4. stav (3) ove instrukcije i rješenja ministra iz stava (1) ovog člana, ne može odbiti izvršiti upis učenika.
- (3) Ukoliko škola odbije upis učenika koji je zbog odgojno-disciplinske mjere isključen iz srednje škole koju je ranije pohađao čini povredu člana 63. stav (7) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24) (u daljem tekstu: Zakon) i predstavlja osnov za razrješenje dužnosti direktora i prije isteka mandata u skladu članom 109. stav (14) Zakona.
- (4) Ako učenik nastavi školovanje u drugoj srednjoj školi u skladu s članom 95. stav (8) Zakona, škola u koju se upisuje učenik u obavezi je odmah za učenika izraditi Individualni plan podrške ili Individualni plan brige, ovisno od procjene stručne službe škole koju je učenik upisao, a u saradnji sa stručnom službom škole iz koje je

učenik isključen, uz podršku Instituta, koji pruža podršku u izradi i praćenju realizacije Individualnog plana podrške ili Individualnog plana brige.

- (5) Stručna služba škole koju upisuje učenik nakon izricanja odgojno-disciplinske mjere "isključenje iz srednje škole" i Institut postupaju u skladu sa Pravilnikom o izricanju odgojno-disciplinskih mjera u osnovnim i srednjim školama ("Službene novine Kantona Sarajevo", broj 33/24) i Pravilnikom o provođenju mjera odgojno-obrazovne podrške i stručnog tretmana učenika ("Službene novine Kantona Sarajevo", broj 33/24).

Član 6.

(Razmjena informacija)

- (1) Za potrebe osiguranja adekvatne podrške i praćenja učenika kojem je izrečena odgojno-disciplinska mjera "isključenje iz srednje škole", stručne službe u zajednici razmjenjuju informacije u cilju sveobuhvatnije podrške učeniku.
- (2) Podaci koji se razmjenjuju u najboljem interesu učenika predstavljaju službenu tajnu, te nekontrolisano otkrivanje podataka o učeniku predstavlja povredu Zakona o zaštiti ličnih podataka ("Službeni glasnik BiH", br. 49/06, 76/11 i 89/11).
- (3) Svi koji dolaze u dodir s podacima učenika moraju biti upoznati da dolaze u kontakt s podacima koji predstavljaju službenu tajnu, i da svaka zloupotreba podataka o učeniku za sobom povlači odgovornost kao i sankcije u skladu sa zakonom.

Član 7.

(Vođenje evidencije)

Institut u saradnji sa školama i na osnovu njihove baze podataka, vodi evidenciju o svim učenicima Kantona Sarajevo kojima je izrečena mjera "isključenje iz srednje škole" u skladu sa članom 10. stav (8) Pravilnika o izricanju odgojno-disciplinskih mjera u osnovnim i srednjim školama ("Službene novine Kantona Sarajevo", broj 33/24).

Član 8.

(Usklađivanje akata)

Sve srednje škole na području Kantona Sarajevo dužne su osigurati usklađivanje internih akata i rad sa odredbama ove instrukcije u roku od 15 dana od dana stupanja na snagu ove instrukcije.

Član 9.

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 11-07/02-34-53335-6/24

13. januara 2025. godine
Sarajevo

Ministrica
Naida Hota-Muminović, s. r.

GRAD SARAJEVO

Gradsko vijeće

Na osnovu člana 7. a u vezi sa članom 28. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22) i člana 31. stav (1) tačka f) Statuta Grada Sarajeva ("Službene novine Kantona Sarajevo", broj 7/23), Gradsko vijeće Grada Sarajeva, na 48. sjednici održanoj dana 27.12.2024. godine, donijelo je